

хІажийавис ом'охъ'е

(1) гьос хІажийав о^нкІше эчин исе.исо ом'окъ'ен ганын авлахъкьоз ликьоли. (2) кь'вине жулик ургъидин гьомоне исогъосо ом'окъ'е батІа бийа. (3) кь'винеч гьадал мокІше бечун гьадило кь'емкьол чандикІин лештІын. (4) ом'окъ'ен ганун о^нкІше хІажийав эчун. (5) исул жуликза лише голлу гьимонун лакше лечунай. (6) ом'окъ'ен безун гьоссо о^нкІун гьадагъагъул. (7) ом'окъ'ело мокІокьо о^нцусо хІажийавла жогъ.жогъо о^нкІше эчун. (8) ом'окъ'ело мокІокьо о^нцулло о^нкІа отказ бийин. (9) жогъо голлу ом'окъ'е бухше бечбизакъа ганун хІажийави гуцІач гуцІбич. (10) ганун исе чандикІ, сусанунай ом'окъ'е. (11) ганун жен сусанунай. (12) вахІ илъел гьибо-чибок кьоччелІун, гуцІцІу ,исул уже усун ом'окъ'ильси эхъун. (13) цахъ укьан укьун иду хІажийав, (14) исхин исе мо гьибо лІун. (15) валлагъ дилло ишетІи дугІан бийин, ом'окъ'ело суратакьал укьхи до илъес илІу.молъу либизакъа. (16) огу жикІо эчун мо. дубгьолин букун. (17) бог бодохкІун илІу.молъу бидов ме бийалІа, локІода ишетІис гурхІидин буво:с. (18) аххач дугІан бийин уже эхъви дильси лІин илІин ужа. (19) гьобоже кьологильси эхъло одохкІун дубул гІакъубан бийи лІун илІин хІажийави. (20) эхъше лІун илІин ужа халгІат ме илІинжогъоли. (21) безун идун тулІун. (22) дандилгъин гьобоже кьутІикьо рокъигъолиду кь'винеч жулик. (23) мокІун базаркьали жуликба иду ом'окъ'е бегъва. (24) ом'окъ'е гобичкье до эчалу лІун илІин ХІажийави. (25) о^нкІун иду хІажийавин базаркьали исе.исул ом'окъ'е бежа. (26) бакун гьомонуч ом'окъ'е. (27) э^нкьан э^нкьун гьалІун илъе ом'окъ'ело бегъен. (28) жен ишетІус илІуч либич ом'окъ'ело суратакьак голи лІун илІин исе. (29) жагъакьаслІа бежа гоби де мо, дил мо бийо:кь. (30) тІокІаб безате де мо лІун илІин хІажийави. (31) ом'окъ'ен бегъун чантама осун гулун жуликбан мекъун. (32) гьосуну ом'окъ'ен безун хІажийавин о^нкІун исе-исуло е^ндугъул.